

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Bosna i Hercegovina

Federacija Bosne i Hercegovine

Predstavnički dom

Klub zastupnika Demokratske fronte

Sarajevo, 25.10.2021. godine

Prilijeno: 27.10.2021			
Org. jed.	Broj	Priloga	Vrijednost
01-	02-	2064	/21

Za:

Parlament Federacije BiH

Predstavnički dom

n/r Predsjedavajućeg ZD Parlamenta FBiH

U skladu sa članom 172.Poslovnika Predstavničkog doma Parlamenta FBiH u parlamentarnu proceduru, po skraćenom postupku podnosimo:

PRIJEDLOG ZAKONA O IZMJENI ZAKONA O DOPRINOSIMA FEDERACIJE BOSNE I HERCEGOVINE

Molimo Vas da tekst Prijedloga zakona uputite Vladi Federacije što prije radi dostavljanja mišljenja.

Kako se ne radi o obimnom i kompleksnom zakonu, predlažemo skraćenu proceduru.

Klub zastupnika Demokratske fronte

Alma Kratina, s.r.

Bosna i Hercegovina
Federacija Bosne i Hercegovine
Parlament Federacije Bosne i Hercegovine
Predstavnički dom
Klub zastupnika Demokratske fronte
Sarajevo, 25.10. 2021.godine

PREDMET: Prijedlog za izmjenu Zakona o doprinosima Federacije Bosne i Hercegovine ("Sl. novine FBiH", br. 35/1998, 54/2000, 16/2001, 37/2001, 48/2001 - dr. zakon, 1/2002, 17/2006, 14/2008, 91/2015, 104/2016, 34/2018, 99/2019 i 4/2021)

(PRIJEDLOG)

**PRIJEDLOG ZAKONA O IZMJENI ZAKONA O DOPRINOSIMA
FEDERACIJE BOSNE I HERCEGOVINE**

Sarajevo, 25. oktobar 2021.godine

**PRIJEDLOG ZAKONA O IZMJENI ZAKONA O
DOPRINOSIMA FEDERACIJE BOSNE I HERCEGOVINE**

Član 1.

Član 10a. se briše.

Član 2.

Ovaj zakon stupa na snagu osmog dana od dana objavljivanja u Službenim novinama Federacije BiH.

OBRAZLOŽENJE

**O PRIJEDLOGU ZA DONOŠENJE ZAKONA O IZMJENI ZAKONA O
DOPRINOSIMA FEDERACIJE BOSNE I HERCEGOVINE**

Predlažemo da se ovaj Zakon donese po skraćenom postupku, saglasno članu 172. Poslovnika Predstavničkog doma Parlamenta Federacije Bosne i Hercegovine, jer nije u pitanju složen i obiman zakon koji zahtijeva redovnu proceduru, budući da se radi o postupanju po Preporuci ureda Ombudsmana/Ombudsmena Bosne i Hercegovine broj: Ž-SA-04-936/20 od 18.05.2021. godine.

I. USTAVNI OSNOV ZA DONOŠENJE ZAKONA

Ustavni osnov za donošenje Zakona je u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine (u daljem tekstu: Federacija) donošenje propisa o finansijama i finansijskim institucijama Federacije i fiskalna politika Federacije, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

II. RAZLOZI ZA DONOŠENJE ZAKONA

Članom 19. Zakona o zdravstvenom osiguranju freelanceri nisu definisani kao osiguranici, te im ovaj zakon ne omogućava pravo na pristup korištenju zdravstvenih usluga kroz uplatu od 4%. Istovremeno važeći Zakon o doprinosima normira naplatu 4% za zdravstveno osiguranje, što i prema mišljenju Ureda Ombudsmana/Ombudsmena za ljudska prava Bosne i Hercegovine predstavlja neosnovanu obavezu i nepravdu, obzirom da freelanceri ne ostvaruju pravo na zdravstvene usluge.

Važeći Zakon o doprinosima propisuje fizičkim licima (a što su samozaposlenici freelanceri), jer još uvijek nemaju riješen radno pravnistatus, da za svaki prihod koji ostvare bilo radom za inostranstvo, bilo putem Ugovora o djelu unutar Federacije Bosne i Hercegovine, obavezno plate 4% doprinosa za zdravstveno osiguranje na ime osiguranika. Pomenutom Preporukom, referirajući se o ovoj situaciji, Kancelarija institucije Ombudsmena/Ombudsmana Bosne i Hercegovine jasno je navela da se novac, odnosno 4% za zdravstveno osiguranje naplaćuje bez osnove, kao i da su važeći Zakon o doprinosima FBiH i Zakon o zdravstvenom osiguranju FBiH u koliziji, jer je evidentno da se prvim propisuje obaveza, a u drugom ne omogućava pravo na korištenje zdravstvene usluge po tom osnovu.

III. OBRAZLOŽENJE PRAVNIH RJEŠENJA

Članom 1. predviđeno je da se briše obaveza naplate za zdravstveno osiguranje od 4% i naplata iznosa od 6 % za penzijsko-invalidsko osiguranje. Ovakvo rješenje je neophodno sve dok se ne izmijeni Zakon o zdravstvenom osiguranju FBiH i Zakon o penzijsko-invalidskom osiguranju FBiH koji moraju predvidjeti da lica koja uplaćuju za određene usluge iste moraju biti u mogućnosti i koristiti.

Članom 2. predviđeno je vrijeme stupanja na snagu ovog Zakona.

IV. FINANSIJSKA SREDSTVA

Za provođenje ovog Zakona nisu potrebna finansijska sredstva iz Budžeta Federacije BiH.

Podnosilac Prijedloga izmjene Zakona

Klub zastupnika Demokratske fronte

Predsjednica Kluba

Alma Kratina